



SAVEZ OPĆINA I GRADOVA
FEDERACIJE BOSNE I HERCEGOVINE
Association of municipalities and cities of the FBiH

GODINA: XVI

BROJ: 252

DATUM: 11.01.2019.GODINE



Usluge Saveza

• PRAVNO SAVJETOVALIŠTE:

Selma Fišek, viši saradnik za pravna pitanja
fax: + 387 33 552 810
selma@sogfbih.ba

• FINANSIJSKO SAVJETOVALIŠTE:

Gregor Jurišić, viši saradnik za finansijska pitanja
fax: + 387 33 552 810
gregor.juriscic@sogfbih.ba

Sadržaj biltena:

Poziv za dostavu aplikacija tehničke pomoći u okviru investicijskog okvira za Zapadni Balkan (WBIF)	1
Prijevremeni izbori za načelnike sedam gradova i općina 17. februara/veljače	2
Na lldži žele ograničiti broj kućnih ljubimaca	2
Projekat "365 sport plus" nastavlja se i tokom 2019. godine	3
Gradska uprava Bihać provodi anketu procjene zadovoljstva građana javnim uslugama	3
Spektakularno otvorenje EYOF-a bit će na stadionu Asim Ferhatović Hase	4
Načelnik Općine Drvar podnio neopozivu ostavku	5
Helvetas pokrenuo online anketu u Čitluku	5
HNK "Čapljina" gradi stadion sa umjetnom travom pola miliona maraca vrijedan	5
Najava zajedničke sjednice komisija Saveza	6
Najava obuka u Bužimu, Konjicu i Brezi	6
Najava obilježavanja dana općina / gradova za mjesec februar/veljača	6

Bilten Saveza općina i gradova Federacije Bosne i Hercegovine

POZIV ZA DOSTAVU APLIKACIJA TEHNIČKE POMOĆI U OKVIRU INVESTICIJSKOG OKVIRA ZA ZAPADNI BALKAN (WBIF)

Opći uslovi za apliciranje za WBIF:

Aplikacija mora dolaziti iz jednog od WBIF sektora: energija, transport, okoliš, socijalna infrastruktura (zdravstvo, obrazovanje, pravosuđe, socijalno stanovanje, druge javne zgrade, itd.) i sektora digitalne povezanosti.

Zahtjev za grant sredstvima mora biti povezan s investicijom, te treba biti praćen kreditnim aranžmanom (koji je u fazi pregovaranja, ili je već sklopljen) između Bosne i Hercegovine i neke od međunarodnih finansijskih institucija uključenih u WBIF (Evropska banka za obnovu i razvoj- EBRD, Evropska investicijska banka-ElB, Razvojna banka Vijeća Evrope- CEB, Razvojna banka SR Njemačke-KfW, te Francuska razvojna agencija- AFD), uz razmotrene finansijske mogućnosti aplikanta za zaduživanjem u budućnosti. Navedena vodeća međunarodna finansijska institucija mora izraziti interes/podršku projektu koji se predlaže i biti konsultovana pri izradi grant aplikacije. Zbog finansijskih obaveza koje se stvaraju, neophodno je konsultovanje relevantnih ministarstava finansijska prilikom apliciranja po pitanju mogućnosti zaduživanja vezano za predloženi projekat (ukoliko je u pitanju novo zaduženje).

Specifični uslovi 21. poziva su:

- u sektoru transporta bit će prihvatljive samo one aplikacije koje imaju jasnu regionalnu dimenziju, ili otklanjaju prepreke koje usporavaju implementaciju postojećeg WBIF projekta (Informacija o grant aplikacijama za BiH i regionalnim aplikacijama dosada podržanim kroz WBIF data u aplikacionom paketu). Takođe, aplikacije se moraju odnositi na Osnovnu TEN-T mrežu.

- u sektoru digitalne povezanosti, energije, zaštite okoliša i socijalnom sektoru nema ograničenja i moguće je predlagati nove projekte (ukoliko su u skladu sa opštim uslovima za apliciranje za WBIF).

Rok za dostavu prvog nacrta aplikacija/projekata DIPAK Uredu od strane državnog resornog ministarstva je 1. februar 2019. godine. Krajnji rok za dostavu bh. aplikacija Evropskoj komisiji putem Ureda DIPAK-a je 1. mart 2019. godine.

Više detalja o načinu i smjernicama za apliciranje, uključujući i format grant aplikacije možete naći na: http://dei.gov.ba/dei/media_servis/vijesti/default.aspx?id=20738&langTag=bs-BA



PRIJEVREMENI IZBORI ZA NAČELNIKE SEDAM GRADOVA I OPĆINA 17. FEBRUARA/VELJAČE



Za provođenje prijevremenih izbora za gradonačelnike Doboja i Trebinja te načelnike sedam gradova i općina u BiH, koji će biti održani 17. februara, predviđeno je 120.000 KM, rečeno je u Centralnoj izbornoj komisiji (CIK) BiH.

U odluci CIK-a o budžetu za provođenje prijevremenih izbora za gradonačelnike Doboja i Trebinja te načelnike općina Bosanski Petrovac, Bosansko Grahovo, Bužim, Domaljevac-Šamac, Drvar, Kakanj i Ribnik navodi se da su finansijska sredstva dužni osigurati gradovi, odnosno općine u kojima će izbori biti provedeni.

Prema navedenoj odluci, za provođenje izbora za gradonačelnika Doboja potrebne su 43.000 KM, a slijedi Trebinje sa 21.500 KM, dok će Općinu Domaljevac-Šamac prijevremeni izbori za načelnika koštati 19.000 KM.

Ostale općine u kojima 15. februara treba da budu održani prijevremeni izbori za načelnike treba da osiguraju manje od 10.000 KM, a najmanje općina Bosanski Petrovac - 3.600 KM.

U ukupnom iznosu potrebnom za provođenje prijevremenih izbora najveća suma namijenjena je za poštanske troškove dostavljanja preporučenih pošiljki glasačima koji glasaju poštom - nešto više od 66.000 KM, dok je za štampanje glasačkih listića i postera s izgledom glasačkog listića predviđeno 12.000 KM.

NA ILIDŽI ŽELE OGRANIČITI BROJ KUĆNIH LJUBIMACA

Ograničiti broj kućnih ljubimaca, posebno pasa i mačaka, s ciljem zaštite dobrobiti životinja, inicijativa je koju je pokrenuo vijećnik Općinskog vijeća Ilidža Amel Pintol na jednoj od posljednjih sjednica.

Problem zajednice

Pintol je kazao da se intenzivno radi na donošenju odluke kojom će se regulisati broj kućnih ljubimaca koje jedna osoba ili porodica može da posjeduje.

- Došlo je vrijeme da razotkrijemo neodgovorne pojedince koji udomljavaju pa odbacuju pse i mačke i tako prave probleme lokalnoj zajednici. Očekujem da će odluka biti donesena u ovoj godini - rekao je Pintol. Iz Fondacije „Dogs Trust“ Sanja Bjankuli (Bianculli) podržava ovakvu inicijativu te smatra da je neophodno ograničiti broj kućnih ljubimaca u zavisnosti od uslova koji građani imaju.



Amel Pintol, vijećnik Općinskog vijeća Ilidža

- Nerealno je da neko ko živi u stanu od 30 kvadrata drži pet velikih pasa i isto toliko mačaka. Mi smo uvijek otvoreni za savjete lokalnim zajednicama, naporno radimo na tome da se izradi jedinstveni državni registar za kućne ljubimce u saradnji s veterinarskim stanicama, koje su zadužene za čipovanje – rekla je Bjankuli. Ona je kazala da ima puno neodgovornih vlasnika, počevši od onih koji prilikom odlaska na godišnji odmor puste psa na milost i nemilost ulici, do ljudi iz dijaspore koji svojoj djeci nabave neku životinju na sedam dana.

S druge strane, Amela Turalić iz Udruženja za zaštitu životinja „Av-Mau“ je protiv ovakvih rješenja i tvrdi da se, bez obzira na broj, svim životinjama može pružiti dostojan život u zgradama kao i kućama.

Jedan pas

- Općina Novo Sarajevo već ima odluku kojom ograničava broj držanja kućnih ljubimaca. U svakom stanu mogu biti samo jedan pas i dvije mačke. Ja sam protiv toga jer i sama sam vlasnica četiri udomljena psa - kazala je Turalić, inače dugogodišnja aktivistica.

Odluka donesena 2015. godine

U Općini Novo Sarajevo potvrdili su da je Općinsko vijeće donijelo odluku o držanju kućnih ljubimaca 2015. godine. Tom odlukom utvrđen je broj kućnih ljubimaca u objektima stanovanja.

KORISNI LINKOVI ZA PREDPRISTUPNE FONDOWE EU:

www.southeast-europe.net
www.adriaticipacbc.org
www.interregadriatico.it
www.europa.ba
www.cbib-eu.org
www.cbc.bih-mne.org
www.srb-bih.org
www.cbc-cro-bih.net
www.programmemed.eu
www.tacso.org
www.euroinfocentar.ba
www.balkanfund.org
www.eurelmed.com
www.eacea.ec.europa.eu



Grb Općine Ilidža

PROJEKAT „365 SPORT PLUS“ NASTAVLJA SE I TOKOM 2019. GODINE



Nakon uspješne realizacije projekta „365 sport plus“ tokom 2018. godine, Općina Centar u saradnji sa Javnom ustanovom Centar za sport i rekreaciju nastavlja sa ovim projektom i u 2019. godini, a sve sa ciljem da omogući učenicima osnovnih škola sa njenog područja besplatno bavljenje sportom tokom cijele godine. Ulaganje u sport je jedan od prioriteta Općine Centar Sarajevo koja je realizujući mnogobrojne projekte u proteklom periodu pokazala svoje opredjeljenje da pomogne razvoj sporta

i sportista, ne samo u Centru već i u cijeloj Bosni i Hercegovini.

Imajući u vidu da je organizovani oblik tjelesne aktivnosti primaran u odrastanju djeteta i da predstavlja bazu za pravilan razvoj, kako sa zdravstvenog, tako i sa psihološkog aspekta, Općina Centar Sarajevo je početkom 2018. godine pokrenula ovaj projekat u okviru kojeg je preko hiljadu osnovaca sa područja ove lokalne zajednice treniralo devet različitih sportova. Mališanima su na raspolaganju bili nogomet, košarka, rukomet, odbojka, tenis, džudo, mali nogomet i univerzalne škole sporta i borilačkih vještina.

Nakon kratke pauze tokom zimskog raspusta projekat „365 sport plus“ se nastavlja 21. januara 2019. godine. Sva ranije prijavljena djeca mogu nastaviti sa treninzima, a oni koji se nisu ranije priključili mogu to učiniti direktno na terminu, kod trenera škola koje su učesnice projekta.

Na oglasnim tablama osnovnih škola i na web stranicama Općine Centar Sarajevo i JU Centar za sport i rekreaciju možete izvršiti uvid u termine realizacije svake pojedinačne škole sporta u 2019. godini.

Za sve dodatne informacije i prijave, možete se obratiti JU „Centar za sport i rekreaciju“, Mis Irbina 10/II Sarajevo, na broj telefona 033/268-760 ili putem e-mail-a: haris.fazlagic@csrsa.ba. Kalendar, odnosno raspored i satnica termina mogu se vidjeti na web stranici Općine Centar u rubrici „365 sport plus“ ili na linku <http://www.centar.ba/stranica/365-sport-plus>

Na oglasnim tablama osnovnih škola i na web stranicama Općine Centar Sarajevo i JU Centar za sport i rekreaciju možete izvršiti uvid u termine realizacije svake pojedinačne škole sporta u 2019. godini.

GRADSKA UPRAVA BIHAĆ PROVODI ANKETU PROCJENE ZADOVOLJSTVA GRAĐANA JAVNIM USLUGAMA



Grad Bihać

Grad Bihać s ciljem nezavisnog, kvalitetnog i efikasnog provođenje ankete o zadovoljstvu građana administrativnim i komunalnim uslugama formirao je nezavisni tim kojeg čine studenti Ekonomskog fakulteta u Bihaću.

Anketiranje građana grada Bihaća se provodi kao aktivnost unutar projekta Općinskog okolišnog i ekonomskog upravljanja (MEG), kojeg finansira Vlada Švicarske, a implementira UNDP u BiH, u saradnji sa Gradom Bihaćem, a u cilju procjene stepena zadovoljstva

građana i građanki administrativnim i komunalnim uslugama u jedinici lokalne samouprave. Anketa će biti sprovedena metodom slučajnog uzorka.

Ispitivanje javnog mnijenja korisnika i korisnica javnih usluga provešće se u januaru/siječnju 2019. godine i to na uzorku od 400 građana.

Anketu će provesti studenti Ekonomskog fakulteta u Bihaću: Mihriba Pajazetović, Lejla Rošić, Ajla Duraković, Belmin Fajić, Irma Šehić, Elvina Selimović, Katka Ljubijankić, Adna Kanurić, Anela Dizdarević, Melisa Muhamedsalih, Emir Alagić, Armin Mujagić i Adis Abdić.

MEG

Projekat općinskog okolišnog i ekonomskog upravljanja

SPEKTAKULARNO OTVORENJE EYOF-A ĆE BITI NA STADIONU ASIM FERHATOVIĆ HASE



KORISNI LINKOVI ZA PREDPRISTUPNE FONDove EU:

www.southeast-europe.net
www.adriaticpacbc.org
www.interregadriatico.it
www.europa.ba
www.cbib-eu.org
www.cbc.bih-mne.org
www.srb-bih.org
www.cbc-cro-bih.net
www.programmemed.eu
www.tacso.org
www.euroinfocentar.ba
www.balkanfund.org
www.eurelmed.com
www.eacea.ec.europa.eu



Grb Grada Sarajeva

Ceremonija svečanog otvaranja EYOF-a 2019., najvećeg sportskog događaja u Sarajevu nakon Zimskih olimpijskih igara 1984., održat će se u organizaciji Grada Sarajeva 10. februara u 19 sati na olimpijskom stadionu „Asim Ferhatović Hase“. U sklopu muzičko-scenskog performansa koji će obilježiti Ceremoniju otvaranja nazvanu „We create together“, predstaviti će se 46 zemalja učesnica.

Tim povodom je na olimpijskom Trebeviću održana press konferencija na kojoj su se velikom broju okupljenih novinara obratili gradonačelnik Sarajeva Abdulah Skaka i direktor „EYOF 2019“ Senahid Godinjak.

„Ovaj projekat je jako važan za Sarajevo iz više aspekata. Ovo je promocija sporta i sportskih vrijednosti, novih generacija, mladih ljudi, koji će vjerovatno u budućnosti biti vrhunski sportisti i naš ponos. On je jako važan i politički, jer ga realizujemo zajednički, Sarajevo i Istočno Sarajevo. Na ovaj način želimo da pokažemo da smo sposobni, da možemo, da znamo, da imamo energije, da zajednički realizujemo projekte i ponovno probudimo olimpijski duh u Sarajevu“, i staknuo je Skaka.

Gradonačelnik je poručio da bi 10. februar za sve nas trebao biti početak stvaranja novih sjećanja za nove generacije, poput onih koje su napravljene u vrijeme ZOI '84. – Tim ljudi zajedničkim snagama i energijom kreira jako puno kvalitetnih procesa u gradu Sarajevo. Obećavam da ćemo u godinama pred nama zajednički stvarati pozitivnu atmosferu, a EYOF je jedan od naših najvažnijih projekata – naveo je gradonačelnik Skaka.

Pozvao je sugrađane, sve građane Bosne i Hercegovine, a posebno mlade da prisustvuju ovoj spektakularnoj manifestaciji i tako da zajedno sa 700 učenika koji će biti na sceni stadiona, budu dijelom jedinstvenog performansa.

Skaka je ovom prilikom imenovao novinare – prijatelje EYOF-a i uručio im prve pozivnice za Ceremoniju svečanog otvaranja „EYOF-a 2019“.

Inače, EYOF 2019 je najveći sportski događaj u Sarajevu nakon Zimskih olimpijskih igara 1984. Ostalo je 38 dana do same ceremonije koja će nakon trideset pet godina učiniti da olimpijski plamen ponovo gori u olimpijskom Sarajevu.



Gradonačelnik Sarajeva Abdulah Skaka sa direktorom
„EYOF 2019“ Senahidom Godinjakom



Gradonačelnik Skaka sa novinarima-prijateljima EYOF-a



NAČELNIK OPĆINE DRVAR PODNIO NEOPOZIVU OSTAVKU



Nikola Materić, bivši v.d. načelnika Općine Drvar

Vršilac dužnosti načelnika Općine Drvar, Nikola Materić, podnio je neopozivu ostavku na ovu funkciju, potvrdio je to Nikica Bosnić, predsjednik Općinskog vijeća.

Bosnić dodaje da je v.d. Nikola Materić neopozivu ostavku podnio, a da su razlozi lične prirode.

Što se tiče narednih koraka, Bosnić kaže da će Općinsko vijeće sastaviti kolegijum koji će zvanično o ostavci obavjestiti stranke, te da će one na upražnjeno mjesto v.d. načelnika predlagati svoje kandidate.

Nikola Materić je na ovu funkciju izabran 10. decembra prošle godine na vanrednoj sjednici Općinskog vijeća.

Prijevrmeni izbori za načelnika Općine Drvar će se održati 17. februara/veljače kako je ranije utvrdio CIK.

Bosnić dodaje da je v.d. Nikola Materić neopozivu ostavku podnio, a da su razlozi lične prirode.

HALVETAS POKRENUO ONLINE ANKETU U ČITLUKU

Općina Čitluk potpisnik je sporazuma sa Helvetasom, švicarskom međunarodnom razvojnom agencijom koja je aktivna u trideset zemalja i koja kroz svoje djelovanje doprinosi stvarnim promjenama u životima više od tri miliona ljudi u nepovoljnom položaju, kojim je definisan odnos međusobne saradnje na zajedničkoj provedbi projekta „Moja Budućnost“ u Čitluku.

Općenita vizija projekta je da ruralna domaćinstva, posebno mlade osobe, imaju mogućnost zapošljavanja i ostvarivanja dohotka te da mogu ispuniti vlastitu ideju o svrhovitom životu, a Helvetas je identificirao općinu Čitluk kao zanimljivo područje za implementaciju projekta s još nekoliko općina u Bosni i Hercegovini. Kako bi što bolje identificirala potrebe u privredi na području općine Čitluk, međunarodna razvojna agencija Helvetas kreirala je link s online upitnikom.

Svrha provedbe ankete je prikupljanje podataka s posebnim naglaskom na mogućnost zapošljavanja i samozapošljavanja mladih na području općine Čitluk, identificiranje sektora kojima je potrebna adekvatna radna snaga s konkretnim stručnim sposobnostima i planove privatnog sektora. – Podaci prikupljeni u anketi bit će iskorišteni radi analize potencijala općine. Cilj nam je utvrditi potrebe i planove privatnog sektora te u skladu s tim djelovati u razvijanju općinskih strategija ekonomskog razvoja i zapošljavanja – poručili su iz Helvetasa, uz napomenu da će odgovori prikupljeni u anketi biti zabilježeni kao anonimni i korišteni samo u navedene svrhe, kažu iz Općine Čitluk.



Detalj sa potpisa sporazuma

HNK „ČAPLJINA“ GRADI STADION SA UMJETNOM TRAVOM POLA MILIONA MARAKA VRIJEDAN

Hrvatski nogometni klub "Čapljina" dobio je u sklopu projekta "Razvoj infrastrukture omladinskog nogometa kroz širu društvenu zajednicu" novčanu pomoć za izgradnju stadiona sa umjetnom travom. Stadion će se graditi u Tasovčićima, na mjestu gdje trenutno postoji stadion koji je pripadao nekadašnjem FK "Uskok", a koji HNK "Čapljina" trenutno koristi kao stadion za treninge. Naime, Općina Čapljina izabrana je među 15 lokalnih zajednica koje su dobile pomoć bosanskohercegovačke krovne nogometne organizacije u izgradnji terena s umjetnom travom za potrebe razvoja omladinskog fudbala u BiH. Oko 260.000 KM stiže od strane Nogometnog saveza BiH, a ostatak novca za projekt, oko 200.000 KM bit će uloženo kroz radove.

"Radovi na terenu bi trebali krenuti u martu, a očekujemo da ćemo ga moći koristiti već u sljedećoj sezoni. Dugo smo čekali ovaj projekt i on je za našu budućnost od velikog značaja - rekao je sportski direktor HNK "Čapljina" Damir Obad.

Ralizacija projekta krenut će nakon što stadion posjeti još jedna komisija, koja će odabrati izvođače radova. Inače, Čapljina će svoje pripreme za proljetni dio sezone započeti 14. januara/siječnja na stadionu Bjelave.



Grb HNK "Čapljina"



SAVEZ OPĆINA I GRADOVA
FEDERACIJE BOSNE I HERCEGOVINE
Association of municipalities and cities of the FBiH

KORISNI LINKOVI ZA PREDPRISTUPNE FONDove EU:

www.southeast-europe.net
www.adriaticipacbc.org
www.interregadriatico.it
www.europa.ba
www.cbib-eu.org
www.cbc.bih-mne.org
www.srb-bih.org
www.cbc-cro-bih.net
www.programmmedeu.eu
www.tacso.org
www.euroinfocentar.ba
www.balkanfund.org
www.eurelmed.com
www.eacea.ec.europa.eu

NAJAVA ZAJEDNIČKE SJEDNICE KOMISIJA SAVEZA

Savez općina i gradova Federacije Bosne i Hercegovine u utorak, 15. januara/siječnja 2019. godine organizuje zajedničku sjednicu Komisije za ekonomski razvoj općina i gradova i finansije, Komisije za razvoj i unapređenje lokalne samouprave i Komisije za ustavna i zakonodavna pitanja. Dnevni red sjednice obogaćen je raznovrsnim temama, a jedna od najaktuelnijih o kojoj će se raspravljati je razmatranje dokumenata Pravne analize regulisanja taksi i naknada u Federaciji Bosni i Hercegovini. Također, će se predlagati eventualne teme za rad „Mreža za finansije/finansije općina i gradova u FBiH“, a bit će govora i o Inicijativi Općine Žepče za izmjene i dopune Zakona o visini zatezne kamate.

Zajednička sjednica se održava u sarajevskom Hotelu „Courtyard by Marriott“ (Skenderija br. 1) sa početkom u 12 sati.

NAJAVA ODRŽAVANJA OBUKA ZA VIJEĆNIKE U OPĆINAMA BUŽIM, KONJIC I BREZA

U organizaciji Saveza općina i gradova Federacije Bosne i Hercegovine održat će se obuke za općinske vijećnike na temu: „Transparentna dodjela sredstava organizacijama civilnog društva iz budžeta jedinica lokalne samouprave“.



Prva obuka će se održati u Općini Bužim, 22. januara/siječnja 2019. godine, dok je druga po rasporedu 28. januara 2019. godine u Općini Konjic, a dva dana kasnije bit će održana obuka i u Općini Breza.

Cilj obuke je pružiti dodatno znanje i alate vijećnicima u jačanju saradnje i komunikacije sa organizacijama civilnog društva i građana.

Modul obuke je pripremljen u okviru Regionalnog programa lokalne demokratije na Zapadnom Balkanu (ReLOaD) koji finansira Evropska unija (EU), a sprovodi Razvojni program Ujedinjenih nacija (UNDP).


NAJAVA OBILJEŽAVANJA DANA OPĆINA I GRADOVA ZA MJESEC FEBRUAR / VELJAČA

- **08. februar/veljača - Dan Općine Odžak.** Tog dana 1996. godine prvi povratnici predvođeni policijskim snagama vraćaju se u svoje domove.

- **20. februar/veljača - Dan Općine Bužim.** Na taj dan 1995. godine Predsjedništvo RBiH je Uredbom sa zakonskom snagom formiralo općinu Bužim.



Grb Općine Bužim



Općina Odžak



Općina Bužim

Savez / Zajedno za uređenu i razvijenu lokalnu samoupravu



Musala 5/1

71000 Sarajevo

Telefon: ++387 33 216 502, 209 024, 209 120

Fax: ++387 33 552 810, 216 502

E-mail: press@sogfbih.ba

Pratite nas na:

Gledajte Savez općina i gradova
Federacije Bosne i Hercegovine na

YouTube

Pratite Savez općina
i gradova FBiH na

g+

facebook
Savez općina i gradova Federacije
Bosne i Hercegovine

NAJAVA OBILJEŽAVANJA DANA OPĆINA I GRADOVA ZA MJESEC FEBRUAR / VELJAČA

- **21. februar/veljača - Dan Općine Ljubuški.** Tog dana 1444. godine napisan je testament bogatog dubrovačkog trgovca Gojslava Orlovića u kojem se spominje dar crkvi u Ljubuškom. Smatra se najstarijim pisanim dokumentom u kojem se spominje naziv Ljubuški (Lubusia), a čuva se u dubrovačkom arhivu.
- **22. februar/veljača - Dan Općine Jablanica** i dan sjećanja na oslobođenje grada u Drugom svjetskom ratu
- **22. februar/veljača - Dan Općine Jajce.** Datum je ovo prvog pisanog pominjanja grada Jajca 1396. godine u Povelji iz dubrovačkog arhiva
- **23. februar/veljača - Dan Općine Velika Kladuša.** Ovaj datum je značajan kao sjećanje na prvo oslobođenje Velike Kladuše u Drugom svjetskom ratu kada je uspjela opstati kao slobodan teritorij punih 731 dan.
- **26. februar/veljača - Dan Grada Bihaća.** Na taj dan 1260. zabilježen je prvi pisani historijski trag o gradu Bihaću u Povelji ugarsko-hrvatskog kralja Bele IV, kao gradu sagrađenom na Otoku sv. Ladislava, u vlasništvu benediktinske opatije iz Topuskog. Godine 1262. proglašen je slobodnim kraljevskim gradom sa svim pravima što mu je osiguralo samostalni razvoj.
- **29. februar/veljača - Dan Općine Ilijaš.** Na ovaj dan, 1996. godine, na oslobođenu teritoriju općine Ilijaš došlo je do masovnog povratka izbjelog stanovništva i uspostavljanja civilne vlasti.



Općina Velika Kladuša



Grad Bihać



Općina Ilijaš



Općina Ljubuški



Općina Jablanica



Općina Jajce

Poštovani čitaoci,

putem ovog biltena pružamo Vam mogućnost da se informišete o aktivnostima Saveza, o bitnim dešavanjima u općinama i gradovima, aktivnostima naših partnera, institucija vlasti, kao i o razmjeni najboljih iskustava i praksi.

Na ovaj način Vam, također pružamo informacije o održanim konferencijama, seminarima, radionicama, okruglim stolovima, javnim raspravama, o održanim sjednicama organa i tijela Saveza.

Ukoliko želite da se prijavite za primanje ovog biltena možete to učiniti tako što ćete poslati e-mail na: press@sogfbih.ba

Molimo vas da informacije o našem biltenu prosljedite svim u vašoj i susjednim općinama i drugim zainteresiranim.

Ukoliko želite da objavite neke od vaših novosti, iskoristite bilten Saveza, koji je brz i efikasan način komuniciranja.

Sa zadovoljstvom očekujemo vaše komentare, sugestije i primjedbe.